

BESTELAKO XEDAPENAK

ETXEBIZITZA, HERRI LAN ETA GARRAIO SAILA

4255

AGINDUA, 2012ko irailaren 19koa, Etxebizitza, Herri Lan eta Garraioetako sailburuarena, salgaien errepideko garraio publikoaren arloan enpresa-kontzentrazioarako laguntza-programa bat ezartzen duena.

Garraio arloaren barruan enpresa-egitura egoki bat izatea oso faktore garrantzitsua da produktibitate-indize hobekuntzarako.

Hala ere, gaur egun salgaien errepideko garraio arloaren ezaugarrietako bat, hain zuzen ere, gehiegizko atomizazioa dugu; enpresen zati handi bat ibilgailu bat edo bi duten langile-enpresaburuk osatzen baitute.

Horregatik, Sailak enpresa-kontzentrazioko prozesuak bultzatu behar direla iritzi dio, eta horretarako 2012rako laguntza-programa bat ezartzea erabaki du.

Programa hau bat dator Euskadiko Garraio Iraunkorraren Gidaplanean jasotako helburu, estrategia eta ekintza-lerroekin, enpresa-kontzentrazioa eta langile-enpresaburuak enpresetan sar daitezkeen erraztuz, garraioaren beraren modernizazioa bultzatzen baita. Eta enpresa-kontzentrazioa ez ezik, «intermodalitate» kontzeptua garraiorako bereganatuko duten enpresa-egitura sendoak sortzea da helburuetako bat, garraio konbinatua bultzatzea eta hartara, garraio-sistema iraunkor bat lortzen lagunduko duen garraio-bideen arteko bestelako oreka bat ezartzeko bidean aurrera egitea. Deialdi honetan berriaz jasotzen dira Emakumeen eta Gizonen Berdintasunerako otsailaren 18ko 4/2005 Legeari buruzko hainbat aipamen, politika eta ekintza publiko guztietan genero-ikuspegia sartu beharra dagoela, eta sexuaren araberako rola eta estereotipoak baztertzea zeinen garrantzitsua den azpimarratzeko.

Laguntza hauek Europako Erkidegoa Eratzeko Itunaren 87. eta 88. artikulua de minimis laguntzei aplikatzeari buruz Kontseiluak 2006ko abenduaren 15ean onartutako 1998/2006 (EE) Erregelamenduan (EBAO L 379/5 2006-12-28) eta ondorengo aldaketetan ezarritakoaren mende daude.

Herritarrei Administrazioarekin dituzten harremanak errazteko, eta laguntzen barne-kudeaketa eraginkorrago egiteko, prozedurako izapideak telematiko egiteko aukera garatu da, Administrazio Elektronikoari buruzko otsailaren 21eko 21/2012 Dekretuan ezarritakoari jarraituz (2012ko martxoaren 9ko EHAA, 50. zenbakia). Eta agindu honetan izapidetze horren xehetasun guztiak jaso dira.

Ondorioz, Etxebizitza, Herri Lan eta Garraio Sailaren egitura organiko eta funtzionala ezartzen duen azaroaren 24ko 607/2009 Dekretuaren 4.1 artikulua ematen dizkidan eskumenak erabiliz, eta azaroaren 11ko 1/1997 Legegintzako Dekretuaren –Euskadiko Ogasun Nagusiaren Antolarauei buruzko Legearen Testu Bategina onartzen duenaren– VI. titulua eta VII. tituluko II. eta III. kapituluak eta Euskal Autonomia Erkidegoaren Aurrekontu Orokorren pentzutan ordaindu beharreko laguntza eta diru-laguntzei aplikatu beharreko gainontzeko xedapenak kontuan izanik, hau

EBAZTEN DUT:

1. artikulua.– Xedea.

1.– Agindu honen xedea da salgaien errepideko garraio publikoaren arloan enpresa-kontzentrazioa bultzatzeko, 2012 urterako laguntzak arautzea.

2.– Agindu honetan aurreikusitako laguntzak honako helburu hauetarako emango dira:

a) Kooperatiba sozietateetan edo elkarlaneko sozietatetan, merkantzien garraio publikorako gehienez ere bi baimenen titularrak diren pertsona fisikoak mugagabeko kontratu bidez integratzea, baldin eta –integrazioa gauzatutakoan– merkantzien garraio publikorako euren izenean hamar baimenetik gorako titularrak badira.

b) Merkantzien garraio publikorako gehienez ere bost baimen dituzten pertsona fisikoak 2012ko urtarrilaren 1a baino lehen eraturako garraiolari kooperatibetan bazkide kooperatibista gisa sartzeko.

c) Sozietateak, garraiolarien kooperatibak edo elkarlaneko kooperatibak sortu, bat egin edo xurgatzeko, edo garraiolari kooperatibak sozietate edo elkarlaneko kooperatiba bihurtzeko. Hain zuen ere diru-laguntzak honako gastu hauek ordaintzeko emango liriteke:

c.1.– Abokatutza, notaritza eta erregistroko zerbitzu-sariak; memorien, buletin en eta tituluen inprimaketa; estatu, probintzia edo udalari ordaindu beharreko zergak; publizitatea; komisioak; eta tituluen erabilpenerako bestelako gastuak.

c.2.– Sozietate, garraiolarien kooperatiba edo elkarlaneko kooperatiba berrietan gerente berria kontratatuzko; diru-laguntza, gehienez ere, urtebeteko soldata eta Gizarte Segurantzako kotizazioa ordaintzeko izango da.

d) Salgaien garraio publikorako gehienez ere bi baimen dituzten pertsona fisikoekin kontratu egonkorak egiteko; kontratua agindu honen I. eranskinean jasotako ereduaren arabera izango da, eta derrigorrezkoa izango da kontratua sinatu aurreko hamabi hilabeteetan baimenen titularrak enpresa kontratatzailearekin egindako negozio-bolumena gehienez ere 9.000 eurokoa izatea. Kontratu hori 2012 urtearen barruan egin beharko da, gutxienez 3 urterako eta negozioaren bolumenak urteko 60.000 eurokoa izan beharko du.

e) Enpresen sustaketan eta kudeaketan aditutako erakundeek egindako bideragarritasun-azterlanak ordaintzeko; azterlan horien helburua, enpresa multzo baten kudeaketa alor bat edo gehiago bateratzea; hainbat enpresa, sozietateak edo kooperatibak sortu edo bat-egiteko formulen bidez kontzentratzea; edota garraio intermodala bultzatuko duten kontzentrazio-prozesuak bideragarri diren ala ez ikustea izango da, eta Euskal Autonomia Erkidegoko Garraio Zuzendaritzak Agindu honetan xedatutakoari jarraituz homologatutako enpresek egin beharko dituzte.

3.– Agindu honetan aurreikusitako laguntzak emateko hirurehun mila (300.000) euroko diru kopurua baliatuko da, Euskal Autonomia Erkidegoaren Aurrekontu Orokorretan horretarako izendatutako kontu-sailetatik hartuta.

Adierazitako zenbateko globala gehitu ahal izango da, betiere diru-laguntzak esleitzeko prozedura ebatzi baino lehen, aurrekontua loturaren arabera kontuan izanik eskatutako laguntzen guztizko zenbatekoa; eta horretarako Etxebizitza, Herri Lan eta Garraio Saileko beste programa batzuk exekutatzetik ondorioztatzen aurrekontu-baliabideak edo aurrekontu aldaketak onartzearen ondoriozko baliabideak erabili ahal izango dira. Zirkunstantzia hori jazoz gero, Garraioetako zuzendariaren ebazpen bidez hura publiko egingo da.

2. artikulua.– Aditutako erakundeen homologazioa.

1.– Agindu honetan aurreikusitako azterlanak burutzeko erakunde adituen homologazioa banan banan eta Euskal Autonomia Erkidegoko Administrazioiko Garraio Zuzendaritzaren berariazko ebazpen bidez egingo da.

Homologazioaren indarraldia 2012ko abenduaren 31 artekoa izango da, edo, behar izanez gero, agindu honen arabera emandako diru-laguntzaren gai den azterlana bukatu artekoa.

2.– Erakunde horiek homologatuko badira, honako baldintza hauek bete beharko dituzte:

a) Erakundearen jardura nagusia ekonomia- eta finantza-arloko edo kalitatearen inguruko kontsultoretza izatea, eta enpresen sustaketan erreferentzia-zerrenden bidez egiaztatu beharko den esperientzia erakustea.

b) Gutxienez hiru langile finko edo hiru bazkide izatea, eta horietatik bik goi mailako titulua eta enpresa-kudeaketaren arloan gutxienez bost urteko esperientzia egiaztatzea.

c) Kasuan kasuko eskabidea Euskal Autonomia Erkidegoko Administrazioiko Garraio Zuzendaritzan, Vitoria-Gasteizko Donostia kaleko 1ean (01010) aurkeztea, agindu hau indarrean jarri eta hilabeteko epean. Eskabidearekin batera honako agiri hauek aurkeztu beharko dira:

– Enpresaren identifikazio-datuak: sozietatearen egoitza, legezko ordezkaria, lantokiak, lantokien azalera, egitura informatikoa, telefona, faxa, etab.

– Ekonomia Jardueren gaineko zergan izena emanda dagoela egiaztatzen duen agiria, eta, halakorik behar izanez gero, enpresaren eraketa-agiriaren eskritura, eta aldatu bada, baita ondorengo eskritura ere.

– Plantillako langile kopuruaren egiaztagiria, kontratuen edo TC2 buletin bidez edo, autonomoen araubide berezia aukeratu duten elkarlaneko kooperatiben kasuan, Gizarte Segurantzako autonomoentzako kotizazioaren epe bereko ordainagiria, eskabidearen aurreko bi hilabetei dagokiena.

– Aholkularitza-enpresaren espezializazioen katalogoak.

– Enpresako kontsultoreen lanbide mailako nondik norakoen azalpen laburra.

– Bidezkotzat jotzen den beste edozein xehetasun.

3. artikulua.– Onuradunak.

Honako baldintzak betetzen dituzten pertsona fisikoak edo juridikoak izan daitezke onuradun:

b) Helbidea Euskal Autonomia Erkidegoan izatea.

c) Salgaien garraioan aritzeko baimenak gutxienez urtebete lehenagotik izatea; gainera baldintza hauek bete beharko dituzte:

– Pertsona fisiko eta sozietateek, lan-sozietate anonimoek barne, eta elkarlaneko kooperatibek, bere izenean gutxienez garraio-baimen bat izatea. Laguntza, enpresa berri bat eratzeagatik bada, urte bateko gutxienerako antzintasuna egiaztatutzat joko da, bazkide guztiek hala egiaztatzen badute.

– Garraiolarien kooperatibek eta merkaturatzeko sozietateen kasuan, akzionistek edo bazkideek, gutxienez hamabost baimen izatea. Urtebeteko antzintasuna egiaztatutzat joko da, baldin eta baimen horien titular guztiek antzintasun hori egiaztatzen badute.

c) Agindu honetako 1.2.c) artikuluan zehaztu kasuari dagokionez, 2012. urtean zehar, garraiolarien kooperatiba bat edo elkarlaneko kooperatiba bat sortzea, hain justu ere garraiolarien kooperatibak transformatu direlako, eratu direlako edo bat egin dutelako. Xurgatzearen ondorioz bategite bat izan bada, 2012. uretan zehar egindakoa izan beharko du.

d) Agindu honen 1.2.c) artikuluan aipatutako kasuan, sozietateak, garraiolarien kooperatibak edo elkarlaneko kooperatibak, edo halakorik bada, sozietate xurgatzaileak, helbidea Euskal Autonomia Erkidegoan izatea.

e) Agindu honen 1.2.c) artikuluan aipatutako kasuan, sozietate berriak edo elkarlaneko kooperatiba berriak, edo halakorik bada, sozietate xurgatzaileak, bere izenean, garraio publikoan aritzeko gutxienez hamar baimen izan beharko ditu urtebete lehenagotik. Antzintasuna egiaztatutzat joko da bazkide guztiek hala egiaztatzen badute.

f) Agindu honen 1.2.c) artikuluan aipatutako kasuan, merkaturatzeko sozietate edo garraiolarien kooperatiba berri bat bada, bazkide edo kooperatibistek artikuluan honen c) idatzi-zatian aipatutako motako hamabost (15) baimen izan beharko dituzte.

g) Agindu honen 1.2.a) artikuluan aipatutako kasuan, 2012 urtean sozietate edo elkarlaneko kooperatiba batean sartzen den pertsona fisikoak titular gisa dituen garraio-baimenak indargabetu, enpresa xurgatzaileari transmititu edo haiei uko egin beharko die. Era berean, lanbide-gaitasuneko titulua izatea.

h) Agindu honen 1.2.b) artikuluan aipatutako kasuan, 2012 urtean garraiolarien kooperatiba batean sartzen den pertsona fisikoak lanbide-gaitasuneko titulua izan beharko du, eta gutxienez hiru urtez egon beharko du bazkide gisa dedikazio eskusiboarekin.

i) Agindu honen 1.2.d) artikuluan aurreikusitako kasuan, enpresa kontratatzaileak, salgaien garraio publikoan jarduteko gutxienez hamar baimenen izan beharko ditu, urtebete lehenagotik. Antzintasuna egiaztatutzat joko da bazkide guztiek hala egiaztatzen badute. Gainera, garraio-operadorearen baimenaren titular izan beharko du.

j) Diru-laguntza edo laguntza publikoak eskuratzea eragozten duen zehapen penalik edo administratiborik ez izatea, ez eta horretarako legezko inolako debekurik ere (Emakumeen eta Gizonen arteko Berdintasunerako otsailaren 18ko 4/2005 Legearen seigarren azken xedapenean xedatutakoaren arabera sexu-diskriminazioaren ondoriozko debekuak barnean hartuta daude).

k) Zerga-betebeharrak eta Gizarte Segurantzarekikoak egunean izatea.

4. artikulua.– Laguntzen izapidetze elektronikoa.

1.– Administrazio Elektronikoari buruzko otsailaren 21eko 21/2012 Dekretuak arautzen du izapidetze elektronikoa.

2.– Nahi dutenek baliabide elektronikoaren bidez egin ahal izango dituzte eskaera, kontsultak eta prozedurako izapide guztiak.

Laguntza hauek izapidetzeko baliabide elektronikoak erabiltzeko zehaztasunak euskadi.net-eko atal honetan jarriko dira: http://www.euskadi.net/r33-2288/es/contenidos/ayuda_subvencion/concentracion_2012/es_concentr/abandono_2010.html

Eskabideak egiteko eta agiriak aurkezteko baliabide elektronikoak eta telematikoak erabiltzeak ez dakar hurrek prozedurako hurrengo izapideetan haiek erabili beharraz, eta aldaketa hori edozein unetan egin daiteke.

5. artikulua.– Eskabideak aurkezteko epea eta lekua, eta aurkeztu beharreko dokumentazioa.

1.– Eskabideak, eskabide-orri normalizatua behar bezala beteta, paperean aurkeztu nahi izanez gero, Eusko Jaurlaritzaren Herritarrentzako Zerbitzuan (Zuzenean zerbitzuan) entregatu ahal izango dira edo bestela Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen 38.4 artikuluan aurreikusitako organoetan, eta Euskal Autonomia Erkidegoko Garraio Zuzendaritzari helaraziko zaizkio. Eskabidearen eredia agindu honen II. eranskinean dator, eta garraioen arloan eskumena duen organoak euskadi.net-en barruan duen egoitza elektronikoak ere eskuratu ahal izango da.

Era berean, baliabide elektronikoak ere erabili ahal izango dira eskabideak eta gainerako agiriak aurkezteko. Informazioa, prozedura eta eskakizunak egiaztatzeko era garraioen arloan eskumena duen organoaren egoitza elektronikoan jarriko dira eskura, 3. artikuluan izapidetze elektronikorako aurreikusitako zehaztapenetan garatutako prozedura eta jarduketei jarraituz. Eskabidearen ondorengo izapideak, baliabide elektronikoa erabiltzekotan, www.euskadi.net/nirekudeaketak web-gunearen bidez egingo dira.

2.– Eskabideak aurkezteko epea hilabetekoa izango da, agindu hau Euskal Herriko Agintaritzaren Aldizkarian argitaratu eta biharamunetik kontatzen hasita.

3.– Agindu honetan araututako laguntzak eskuratu ahal izateko, agindu honetako II. eranskinean jasotako inprimakiarekin batera agiri hauek aurkeztu beharko dira:

a) Eskatzailearen Nortasun Agiri Nazionalaren fotokopia eta identifikazio fiskaleko zenbakia edo IFK.

b) Eskatzailea pertsona juridikoa bada, ahalordea ematen dion notarioaren agiria aurkeztu beharko du haren ordezkariak.

c) Sozietatea eratzeko eskritura edo, hori aldatu bada, ondorengoa, eskabidea aurkezteko egunean akzioen banaketa nola dagoen ikusteko eta Merkataritza Erregistroan izena emanda dagoela egiaztatzeko.

d) Garraiolarien kooperatiben edo elkarlaneko kooperatiben kasuan, eratzeko eskritura, sozietatearen estatutuak eta Euskadiko Kooperatiben Erregistroan izena emanda dagoela ziurtatzen duen agiria.

e) Sozietate bat edo elkarlaneko kooperatiba bat osatzeko bat egindako edo halako bihurtutako kasuetan, horretarako akordioa bi egunkaritan eta Merkataritza Erregistroaren Aldizkari Ofizialean argitaratzeko iragarkiak; edo kooperatibak badira Euskal Herriko Aldizkari Ofizialean argitaratzeko iragarkia. Gainera, akordioa indarrean dagoen legeriari jarraituz dagokion Erregistroko izen-emate agiria.

f) Salgaien garraio publikorako baimenak, gutxienez urtebeteko antzintasuna dutenak eta agindu honen 3. artikuluan ezarritakoarekin bat datozenak.

g) Egin beharreko azterlanetarako aurrekontuak, eta laguntza-gai diren gastuen proformako fakturak edo behin betikoak, eta horien azalpen memoriak.

h) Agindu honen 1.2.a) artikuluan jasotako kasuan, sartu behar den pertsona fisikoaren lanbide-gaitasuneko titulua, kontratua eta, baimenak indargabetu, transmititu edo horiei uko egin diela jasotzen duen kasuan kasuko foru aldundiaren ziurtagiria edo eskabidea aurkeztu izanaren frogagiria.

i) Agindu honen 1.2.b) artikuluan jasotako kasuan, bazkide berriak hartu dituen garraiolarien kooperatibak kooperatibaren barne-araudia eta bazkide kooperatibisten alta eta baje egiaztagiria aurkeztu beharko du. Era berean, kooperatiban bazkide gisa sartzen den pertsonaren lanbide-gaitasuneko titulua bidali beharko da.

j) Agindu honen 1.2.d) artikuluan adierazitako kasuan, garraio-kontratu egonkorra eta, ez kontratatzaileak, ez kontratatuak, azkeneko urtean 9.000 euro baino gehiago ez dutela fakturatu egiaztatzen duten agiriak.

k) Hirugarrenen aldaketa edo altaren fitxa, betiere EAEko Diruzaintza Nagusiari buruzko irailaren 30eko 211/1997 Dekretuko 20. artikuluan zehaztu ereduaren arabera, hain justu ere lehenengoz aurkezten diren eskatzaileek edo banku-datuetan aldaketak izan dituztenek konplitu beharko dituzte baldintzok.

l) Beharrezkoa bada, Ibilgailuei dagokienez, kudeaketa eraginkorra, eta ekonomikoaren eta ingurumenaren arloetan iraunkorra egin dela egiaztatzeko agiria.

4.– Eskatzaileek nahi duten hizkuntza ofizialean aurkeztu ahal izango dute laguntza-eskabidea eta beharrezko dokumentazioa. Gainera, laguntza-eskabidetik eratorritako jardunetan eta prozedura osoan, eskatzaileak aukeraturiko hizkuntza baliatuko da, Euskararen Erabilera Normalizatzeko azaroaren 24ko 10/1982 oinarrizko Legearen 5.2.a) eta 6.1 artikuluetan ezarritakoaren arabera.

5.– Eskabideak aurkeztearekin batera, eskatzaileak berriaz onartu ahal izango du laguntzak kudeatzen dituen organoak dokumentazioaren zati bat eskuratzeko edo egiaztatzeko aukera, Administrazio Publikoak egiaztapen, kontrol eta ikuskaritzaren alorrean dituen eskumenen kalterik gabe.

6.– Laguntzen eskatzaileek zerga-betebeharrak egunean dituztela egiaztatzen duen dokumentazioa automatikoki egiaztatuko du organo kudeatzaileak, eta horretarako ez du eskatzaileen baimenik beharko, Euskal Autonomia Erkidegoko Ogasun Nagusiaren Antolarauei buruzko Legearen testu bategina onartzen duen azaroaren 11ko 1/1997 Legegintzako Dekretuaren 50.3 artikulua aplikatuz.

7.– Ondoren zehaztuko diren betebeharrak egiaztatzeko aski izango da erantzukizunpeko adierazpen bat aurkeztea; eredu eskabidearekin batera dator:

a) Helburu bererako urte berean eta aurreko bi urteetan, bestelako diru-laguntza edo laguntzarik eskatu edo jaso badu, nork eman dion eta zenbat eman dion zehaztuko duen zinpeko aitortpena.

b) Ez egotea Euskal Autonomia Erkidegoko Administrazio Orokorra edo haren erakunde autonomoek emandako izaera bereko laguntzen edo diru-laguntzen esparruan hasi den eta oraindik bideratzen ari den itzultzeko edo zigortzeko ezein prozeduratan sartuta.

c) Eskatzailearen erantzukizunpeko adierazpena, diru-laguntza edo laguntza publikoak eskuratzeko eragozten duen zehapen penalik edo administratiborik jaso ez duela eta horretarako legezko inolako debekurik ez duela agertzen dituen (Emakumeen eta Gizonen arteko Berdintasunerako otsailaren 18ko 4/2005 Legearen azken xedapenetan seigarrenean xedatutakoaren arabera sexu-diskriminazioaren ondoriozko debekuak barnean hartuta daude).

Erantzukizunpeko adierazpen batekin edo barnean hartuta doan edozein daturen, adierazpenen edo dokumenturen zehaztasunik ezak, faltsukeriak edo ez-egiteak, funtsezkoa bada, prozedurarekin ezin jarraitzea ekarriko du gertakari horiek jakiten diren unetik, ekar ditzakeen erantzukizun penal, zibil edo administratiboak alde batera utzi gabe.

8.– Euskal Autonomia Erkidegoko Administrazioiko Garraio Zuzendaritzak, aurkeztutako eskabidea behar bezala balioesteko beharrezko jotzen duen beste edozein agiri edo argibide eskatu ahal izango du.

6. artikulua.– Kudeaketa-organoa.

Euskal Autonomia Erkidegoko Administrazioiko Garraio Zuzendaritzaren ardura izango da agindu honetan aurreikusitako laguntzak kudeatzeko lanak egitea.

7. artikulua.– Agirien gaineko okerrak zuzentzea.

Eskatzaileak aurkezturiko agiriek agindu honetan eskatutako baldintzak ez dituztela betetzen ikusiz gero, hala jakinaraziko dio organo kudeatzaileak eskatzaileari, eta hamar egun balioduneko epea utziko dio, okerrak zuzendu edo behar diren agiriak aurkezteko; gainera, adieraziko dio, hala egiten ez badu, bere eskaria besterik gabe atzera botako duela, urtarrilaren 13ko 4/1999 Legearen 42. artikulua ezarritako eran (Lege horrek Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legea aldatu zuen).

8. artikulua.– Esleitzeko prozedura eta diru-kopurua.

1.– Laguntzen zenbatekoa:

a) 1. artikuluko 2. paragrafoko a) eta b) idatzi-zatietan zehaztutako kasuetakoek gehienez ere 6.000 euro izango dituzte pertsona bakoitzeko, eta 6.500 euro baldin eta integratzen den pertsona andrazkoa bada edo eskatzaileak honako ziurtagiria badu: ibilgailuei dagokienez, kudeaketa eraginkorra, eta ekonomikoaren eta ingurumenaren arloetan kudeaketa iraunkorra egin dela egiaztatzeko agiria; guztiarekin ere, ezin izango da 45.000 euroko muga igaro. Enpresa edo kooperatiba xurgatzailea laguntzaren onuradun eta jasotzailea izango da.

Enpresa edo kooperatiba xurgatzailearen egituran sartzen den pertsonak 4.100 euroko diru-laguntza izango du.

b) Agindu honen 1.2.c) artikuluan adierazitako kasuetan, honako laguntza hauek emango dira:

– Aginduaren 1.2.c.1 artikuluan jasotako kasuetan, laguntza-gai diren gastuen kostu osoaren % 50 emango zaie gehienez, baina inoiz ez 6.000 euro baino gehiago.

– 1.2.c.2 artikuluan jasotako kasuetan, diruz laguntzekoak diren gastu kostu osoaren % 50 emango zaie, eta laguntza hori % 60koa izango da, baldin eta gerentea emakumezkoa bada, baina inoiz ez 30.000 euro baino gehiago.

c) 1.2.d) artikuluan jasotako kasuetan, gehienez ere 2.000 euroko laguntza emango zaie egindako kontratatu bakoitzeko, eta 2.500 euro kontratatutakoa emakumezkoa bada, baina inoiz ez 40.000 euro baino gehiago. Enpresa kontratatzailea izango da laguntzaren onuradun eta laguntza jasoko duena.

d) 1.2.e) artikuluan jasotako kasuetan, gehienez ere laguntza-gai diren gastuen kostu osoaren % 50 emango zaie, baina inoiz ez 30.000 euro baino gehiago.

2.– Agindu honetan arautako laguntzak emateko 1.3 artikuluan ezarritako diru kopurua aski ez bada aurkeztutako eskabide guztiei artikuluko honen lehenengo paragrafoan ezarritako gehieneko diru kopuruak ordaintzeko, ondoren zehaztuko den hurrenkera honi jarraituz emango zaie laguntza, baldintzak betetzen dituzten eskatzaileei:

- 1) Aginduaren 1.2.a) artikuluan jasotako kasuetarako eskabideei emango zaie lehentasuna.
- 2) Aurreko idatzi-zatiko eskabideei erantzundakoan, dirurik baldin badago, 1.2.b) artikuluko kasuetarako aurkeztutakoei erantzungo zaie.
- 3) Aurreko paragrafoetako eskabideei erantzundakoan, dirurik baldin badago, 1.2.c) artikuluko kasuetarako aurkeztutakoei erantzungo zaie.
- 4) Aurreko paragrafoetako eskabideei erantzundakoan, dirurik baldin badago, 1.2.d) artikuluko kasuetarako aurkeztutakoei erantzungo zaie.
- 5) Aurreko paragrafoetako eskabideei erantzundakoan, dirurik baldin badago, 1.2.e) artikuluko kasuetarako aurkeztutakoei erantzungo zaie.

Hala eta guztiz ere, agindu honetan araututako laguntzak emateko 1.3 artikuluan ezarritako diru kopurua, finkatu den hurrenkerari jarraituz banatzen hasi, eta eskabide-mota bateko eskabide guztiei onartutako gehieneko diru kopurua ordaintzeko iristen ez bada, eskabide-mota horretako guztien artean hainbanatu egingo da gelditzen dena.

9. artikulua.– Bateragarritasuna.

Agindu honen arabera emandako diru-laguntzak bateragarriak izango dira helburu bererako beste pertsona fisiko edota juridikoek emandako beste batzuekin, baina guztira jasotako diru kopuruak ezin izango du gainditu diruz laguntzekoa den jardueraren kostua. Nolanahi ere, onuradun bakoitzak ezin izango du hiru urteko epean 100.000 euro baino gehiago jaso de minimis laguntzetan.

Helburu bererako beste laguntza edo diru-laguntza batzuk lortzen badira, eta horren ondorioz diru-laguntzek proiektuaren kostua gainditzen badute, Agindu honi esker emandako diru-laguntza gutxitu egingo da, aurreko artikuluan ezarritako gehieneko diru kopuruak ez gainditzeko diru-laguntzetan.

10. artikulua.– Diru-laguntza eman, jakinarazi eta argitaratzea.

1.– Euskal Autonomia Erkidegoko Administrazioari Garraioetako zuzendariaren ebazpen bidez jakinaraziko da diru-laguntzak ematea onartu den ala ez. Ebazpen horrek ez du administrazio-bidea amaituko, eta, beraz, haren aurka, hilabeteko epean gora jotzeko errekurtsioa aurkeztu ahal izango zaio Administrazio bereko Garraio eta Herri Lanetako sailburuordeari.

Ebazpena banan-banan jakinaraziko zaie pertsona interesdunei, betiere azaroaren 26ko 30/1992 Legeko 58. artikuluan ezarritako eran eta agindu honek eraginak sortzen dituenetik harako sei hilabeteko epearen barruan (30/1992 Legea, urtarrilaren 13ko 4/1999 Leaz aldatu zen). Ebazpenean horrek zehaztuko du diru-laguntza ematen den ala ukatu egin den; aldekoa bada, onuraduna zein den eta zenbat eman zaion azalduko da, eta kontrakoa bada, ukatzeko arrazoiak.

2.– Aurreko paragrafoan ezarritako epean ez bada diru-laguntza emateko berariazko ebazpenik eman, interesdunek ezetsizat jo beharko dute eskabidea, urtarrilaren 13ko 4/1999 Legearen bidez aldatutako Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen 44.1 artikuluan ezarritako ondorioetarako.

3.– Diru-laguntza guztiak nori eman erabakitakoan, zeini eta zenbat eman behar zaien argitaratuko da Euskal Herriko Agintaritzaren Aldizkarian.

4.– Agindu honetan aurreikusten ez diren kontuetan, diru-laguntzak emateko prozedurarako urtarrilaren 13ko 4/1999 Legearen bidez aldatutako Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legea eta Euskadiko Ogasun Nagusiaren Antolarauei buruzko Legearen Testu Bategina onartzen duen azaroaren 11ko 1/1997 Legegintzako Dekretua bete beharko dira.

11. artikulua.– Ordainketa.

1.– Dirua dena batera ordainduko da, diruz lagundutako jarduketa burutu eta diru-laguntza jasotzeko eskubidea ematen duen gastua faktura edo bestelako agiri bidez egiaztatutakoan.

Gainera, agiri hauek ere aurkeztu beharko dira:

– Agindu honen 1.2.a) artikuluan aurreikusitako kasuan, enpresa xurgatzaileak garraiolari autonomoarekin enpresan sartzeko egindako kontratua, eta garraiolariak titular gisa zituen baimenak indargabetu, transmititu edo haiei uko egin diela adierazten duten frogagiriak.

– Agindu honen 1.2.b) artikuluan, pertsona fisikoa hori kooperatiban bazkide gisa sartu dela adierazten duen ziurtagiria aurkeztu beharko da, bai eta bazkide hori kooperatiban eksklusibotasunez gutxienez hiru urte egongo dela hitz emateko aitortpena.

– 1.2.c.2 artikuluan aurreikusitako kasuan, gerentearen kontratua eta ahalordeak indarrean daudela adierazten duen notarioaren agiria.

– 1.2.e) artikuluan aurreikusitako kasuan, egindako azterlanaren kopia bat bidali beharko da.

2.– Diru-laguntza eskuratzeko eskakizun guztiak betetzen dituztela egiaztatzeko agiriak 2012ko abenduaren 31 baino lehen aurkeztu beharko dira.

3.– Agindu honen 1.2.d artikuluan aurreikusitako kasuan (lehen hiru urteetan) kontratua indarrean jartzen denetik aurrera urtebete igarotzen den bakoitzean, hurrengo bi hilabeteetan, bi aldeen artean gutxienez 60.000 euroko negozio-bolumena izan dutela erakutsi beharko dute.

12. artikulua.– Diru-laguntza jasotzen dutenen betebeharrak.

1.– Agindu honetan azaltzen diren diru-laguntzak eskuratzen dituztenek honako betebeharrak izango dituzte kasu guztietan:

a) Diru-laguntza eskuratzeko beharrezko diren eskakizun eta baldintza guztiak betetzen dituztela egiaztatu beharko diote diru-laguntza eman behar duen Administrazioari.

b) Emandako diru-laguntza onartu beharko dute. Diru-laguntzaren berri ematen dien jakinarazpena jaso, eta hamabost eguneko epean onuradunek idatziz uko egiten ez badiote, onartu egiten dutela ulertuko da.

c) Diru-laguntza, eman zaion horretarako erabili beharko du.

d) Helburu bererako beste laguntza edo diru-laguntzaren bat lortu badu, lortu duela eta nork eta zenbat eman dion jakinarazi beharko dio Euskal Autonomia Erkidegoko Administrazioiko Garraio Zuzendaritzari.

e) Kontrol Ekonomikoko Bulegoak eta Herri Kontuen Euskal Epaitegiak, beren eginkizunetan dihardutela, deialdi honen kontura jasotako diru-laguntzen inguruan eskatzen dieten informazioa ematea.

2.– Artikulu honen 1.e) puntuan adierazitako organoen ahalmena gora-behera, Euskal Autonomia Erkidegoko Administrazioako Etxebizitza, Herri Lan eta Garraio Sailak diru-laguntza jaso duen jarduerari buruz bidezko jotzen dituen egiaztapen guztiak egin ahal izango ditu.

13. artikulua.– Diru-laguntzak emateko baldintzak aldatzea.

Diru-laguntza emateko kontuan hartutako egoeraren bat aldatuz gero, onuradunak beste administrazio batzuek edo erakunde publiko nahiz pribatuk emandako laguntza edo diru-laguntzak jasotzen baditu batera edo-eta helburu bererako bestelako diru-sarrera edo baliabiderik eskuratzen badu, diru-laguntza emateko agindua ere aldatu egin ahal izango da, betiere deialdi honetan onuradun izateko ezarritako gutxieneko eskakizunak betetzen jarraitzen badu.

14. artikulua.– Diru-laguntzak itzultzea.

Onuradunak Agindu honetan, diru-laguntza emateko aginduan edo aplikatu beharreko gainerako arauetan ezarritako baldintzaren bat betetzen ez badu, organo aginpidedunak, onuradunari entzun ondoren, laguntza jasotzeko eskubidea galdutzat deklaratu du, eta, halakorik izanez gero, dagokion diru kopurua Euskal Herriko Diruzaintza Nagusiari itzultzera behartuko du, azaroaren 11ko 1/1997 Legegintzako Dekretuak, Euskal Autonomia Erkidegoaren Aurrekontu Orokorren pentzutan ematen diren diru-laguntzen bermeei eta horiek itzultzeari buruzko erregimen orokorra arautzen duen abenduaren 17ko 698/1991 Dekretuak, eta diru-laguntzetarako betebeharrak betetzen direla zaintzeko gainontzeko arauak ezarritakoa betetzeko. Kopuru hori diru-sarrera publikotzat joko da legeko ondorioetarako. Horrek guztiak ez du galaraziko, ordea, bestelako zehapenak jartzea, eta kalteengatiko ordainak eta, halakorik izanez gero, erantzukizun penala ere eskatzea.

AZKEN XEDAPENAK

Lehenengoa.– Agindu honen kontra, administrazio-bidea agortzen baitu, interesdunek aukerako berraztertze errekurtsoa aurkeztu ahal izango diote Etxebizitza, Herri Lan eta Garraioetako sailburuari, hilabeteko epean, agindua Euskal Herriko Agintaritzaren Aldizkarian argitaratu eta biharamunetik kontatzen hasita. Bestela, zuzenean administrazioarekiko auzi-errekurtsoa aurkeztu ahal dute, Euskal Autonomia Erkidegoko Justizia Auzitegi Nagusiko Administrazioarekiko Auzitarako Sailean, aipatutako aldizkari ofizialean argitaratu eta biharamunetik kontatzen hasita, bi hilabeteko epean.

Bigarrena.– Euskal Herriko Agintaritzaren Aldizkarian argitaratzen den egunaren biharamunetik aurrera izango ditu ondorioak agindu honek.

Vitoria-Gasteiz, 2012ko irailaren 19a.

Etxebizitza, Herri Lan eta Garraioetako sailburua,
IGNACIO MARÍA ARRIOLA LÓPEZ.

2012ko irailaren 24a, astelehena

I. ERANSKINA

SALGAIEN ERREPIDEKO GARRAIORAKO KONTRATU EGONKORRA

..... (e)n, 2012ko aren (e)an.

BILDU DIRA:

Batetik, (1)

adinez nagusia. Helbidea: herria:

kalea: zk.:

NANa:

Ordezkatzen duen enpresa (inor ordezkutzen badu)

Inskripzio-datuak: Erregistroa:

Liburukia: Liburua: Folioa:

IFK:

Sozietatearen egoitza:

Ahalordea ematen dion eskritura publikoaren datuak:

Notarioa:

Eskritura-eguna: Protokolo zk.:

Bestetik, (1)

adinez nagusia. Helbidea: herria:

kalea zk.:

NANa

Bi aldeek kontratu hau sinatzeko behar den gaitasuna onartzen diote elkarri.

ADIERAZI DUTE

I.- (2) garraiolaria da, eta honako garraio-baimen hauek dituzten ibilgailuak dauzka:

Garraio-baimena:

Marka:

Matrikula:

Garraio-baimena

Marka

Matrikula:

Bi aldeak ados jartzen badira, ibilgailu horien ordez eskakizun berberak betetzen dituzten beste ibilgailu batzuk erabili ahal izango dira; hala bada, akordio hori eranskin gisa gehitu beharko zaio kontratu honi.

II.- (3) jaunak/andreak garraio- lanbide-gaitasunerako titulua eta garraio-operadore titulua dauzka.

III.- Bi aldeek salgaien errepideko garraiorako kontratu bat egitea erabaki dute. Hona hemen kontratuaren,

KLAUSULAK

Lehenengoa.- (2) k hitz ematen dio (3) i, salgaien garraioa ondoren zehaztuko diren baldintzetan burutuko duela.

Bigarrena.- Garraioaren helburua:

Hirugarrena.- Kontratuak urterako balioko du (gutxienez 3 urte).

Laugarrena.- Garraioa egiteko baldintzak (4):
.....
.....

Bosgarrena.- Enpresa kontratatzaileak hitz ematen du urtean guztira euro (gutxienez 460.000 euro) egingo duten zerbitzuak aginduko dizkiola garraiolariari; diru kopuru hori urtero Euskal Autonomia Erkidegoko kontsumorako prezioen indizearen arabera berraztertuko da.

Seigarrena.- Indarraldia amaitu baino lehen aldeetako batek kontratua hausten badu edo kontratuan ezarritakoa betetzen ez badu, kalte-ordaina ordaindu beharko dio besteari (.....).

Zazpigarrena.- Kontratu hau formalizatzeko, betetzeko edo iraungitzeko gastu eta zerga guztiak k ordainduko ditu.

Zortzigarrena.- Kontratu hau betetzerakoan auzirik sortuz gero, bi aldeek auziaren ebazpena Garraioko ko Arbitraje Batzordearen esku uztea onartzen dute.

Bederatzigarrena.- Kontratu hau merkataritza arlokoa da, eta, beraz, kontratuaren klausulek arautuko dute, eta hor aurreikusi gabeko kontuetarako, salgaien lurreko garraioaren kontratuari buruzko azaroaren 11ko 15/2009 Legea eta Lurreko Garraioen Antolamenduari buruzko Legean ezarritakora joko da.

Hamargarrena.- Bi aldeek hitz ematen dute Euskadiko Garraioko Ohitura Egokien Kodean jasotako printzipio eta arauak bere egingo dituztela, eta kode horri atxikita ez badaude, atxikipena eskatuko dutela.

Bi aldeak bat datoz kontratu honetan jasotakoarekin, eta kontratua formalizatzeko ale sinatu dituzte, guztiak ere jatorrizkoak, helburu bakarrarekin eta bi aldeei emateko.

Garraiolaria

Enpresa

(1) Kontratua sinatzen duenaren izena eta bi abizenak.

(2) Garraiolariaren izena.

(3) Enpresaren izena.

(4) Ordainketa-era, salgaia hartu edo-eta uzteko lekua, igorpenen maiztasuna eta bestelako baldintzak.

II. ERANSKINA

ESKABIDE-EREDUA ENPRESEN KONTZENTRAZIOA BULTZATZEKO LAGUNTZAK

I.- IDENTIFIKAZIO DATUAK:

a) TITULARRA

Pertsona juridikoa:

IFZ/IFK:

Erakundearen izendapena:

Telefonoa : Faxa:

Posta elektronikoa:

edo

Pertsona fisikoa:

Lehen abizena: Bigarren abizena:

Izena: IFZ/AIZ:

Telefonoa: Faxa:

Posta elektronikoa:

b) ORDEZKARIA

Lehen abizena: Bigarren abizena:

Izena: IFZ/AIZ:

II.- HELBIDE DATUAK:

Helbidea:

Lurraldea: Udalerria:

Posta kodea:

III.- BANKU DATUAK:

Bankua (4 zifra): Sukurtsala (4 zifra):

Bankuaren kontrol-zifra (zifra bat):

Kontuaren kontrol-digitua (zifra bat):

Kontu-zenbakia (10 zifra):

IV.- JAKINARAZPENETARAKO DATUAK:

Jakinarazpenetarako bidea (jarri «x» bat aukeratutakoari):

- Telematika
- Posta konbentzionala

Telematika bada:

Oharrak:

Posta elektronikoa:

SMS:

V.- JAKINARAZPENETARAKO AUKERATUTAKO HIZKUNTZA:

- Gaztelania
- Euskara

VI.- ESKATUTAKO LAGUNTZA MOTA (markatu «x» batez):

- a) Salgaien garraio publikoan aritzeko gehienez ere bi baimen dituzten pertsona fisikoak mugagabeko kontratuekin sozietateetan edo elkarlaneko kooperatibetan sartzeko. Sozietate eta kooperatiba horiek gainera, ibilgailu astunekin garraio publikoan aritzeko gutxienez hamar baimen izan beharko dituzte bere izenean, behin bat egitea burututakoan.
- b) Salgaien garraio publikoan aritzeko gehienez ere bost baimen dituzten pertsona fisikoak 2012ko urtarrilaren 1a baino lehen eraturako garraiolari kooperatibetan bazkide kooperatibista gisa sartzeko.
- c) Sozietateak, garraiolarien kooperatibak edo elkarlaneko kooperatibak sortu, bat egin edo xurgatzeko, edo garraiolari kooperatibak sozietate edo elkarlaneko kooperatiba bihurtzeko. Hain zuen ere diru-laguntzak honako gastu hauek ordaintzeko emango lirateke:
 - c.1.- Legelaritza, notaritza eta erregistroko zerbitzu-sariak; memorien, buletin eta tituluen inprimaketa; estatu, probintzia edo udalari ordaindu beharreko zergak; publizitatea; komisiok; eta tituluen erabilpenerako bestelako gastuak.
 - c.2.- Sozietate, garraiolarien kooperatiba edo elkarlaneko kooperatiba berrietan gerente berria kontratatuzko. Laguntza, gehienez ere, urtebeteko soldata eta Gizarte Segurantzako kotizazioa ordaintzeko izango da.
- d) Salgaien garraio publikorako gehienez ere bi baimen dituzten pertsona fisikoekin kontratu egonkorak egiteko; kontratua agindu honen I. eranskinean jasotako ereduaren arabera izango da, eta derrigorrezkoa izango da kontratua sinatu aurreko hamabi hilabeteetan baimenen titularrak enpresa kontratatzailearekin egindako negozio-bolumena gehienez ere 9.000 eurokoa izatea. Kontratu hori 2012 urtearen barruan egin beharko da, gutxienez 3 urterako eta negozioaren bolumenak urteko 60.000 eurokoa izan beharko du.

- e) Enpresen sustaketan eta kudeaketan aditutako erakundeek egindako bideragarritasun-azterlanak ordaintzeko; azterlan horien helburua, enpresa multzo baten kudeaketa alor bat edo gehiago bateratzea, hainbat enpresa, sozietateak edo kooperatibak sortu edo bat-egiteko formulen bidez kontzentratzea, edota garraio intermodala bultzatuko duten kontzentrazio-prozesuak bideragarri diren ala ez ikustea izango da, eta Euskal Autonomia Erkidegoko Garraio Zuzendaritzak Agindu honetan xedatutakoari jarraituz homologatutako enpresek egin beharko dituzte.

VII.- ERANTZUKIZUNPEKO ADIERAZPENAK (markatu «x» batez):

- Ez dut xede eta helburu bererako beste administrazio batek edo erakunde pribatu batek emandako laguntzarik jaso, ez aurreko, ez aurreko bi urteetan.
edo
- Beste laguntza bat ere jaso dut: Zenbatekoa: euro. Laguntza eman didan Administrazioa Urtea:
edo
- Beste laguntza bat eskatu dugu, baina oraindik ebazpena jasotzeko zain nago. Eskatutako laguntzaren zenbatekoa: euro. Administrazioa:
- Ez nago sartuta Euskal Autonomia Erkidegoko Administrazio Orokorrak edo erakunde autonomiadunek emandako ezaugarri bereko beste laguntza edo diru-laguntza batzuen esparruan hasi zen eta oraindik bideratzen ari den itzultzeko edo zigortzeko ezein prozeduratan.
- Ez zait diru-laguntza publikoak eskuratzea eragozten duen zigor administratiborik edo penalik ezarri, eta ez daukat horretarako legezko inolako debekurik (Emakumeen eta Gizonen arteko Berdintasunerako otsailaren 18ko 4/2005 Legearen seigarren azken xedapenenean xedatutakoaren arabera sexu-diskriminazioaren ondoriozko debekuak barne).
- Eskabidean jasotako datuak eta aurkeztutako dokumentazioa benetakoak direla.
- Laguntza hauek jasotzeko indarrean dagoen legeriak ezarritako eskakizun guztiak betetzen ditut, hori egiaztatzen duen dokumentazio guztia daukat eta hitz ematen dut diru-laguntza horri dagokion denboran zehar.

VIII.- AGIRIAK ESKURATZEKO ETA EGIAZTATZEKO BAIMENA (markatu «x» batez):

Eskabidea egiten duen pertsona fisikoaren identifikazio-datuaren egiaztapena

- Baimena ematen diot deialdi hau kudeatzen duen organoari, eskumenak dituen Administrazioan behar diren egiaztapen begiztapen lanak egin ditzan, baliabide telematikoen zein baliagarri dauden bestelako baliabideen bidez.

Hirugarrenen alta/aldaketa

- Baimena ematen diot deialdi hau kudeatzen duen organoari, eskumenak dituen Administrazioan behar diren egiaztapen begiztapen lanak egin ditzan, baliabide telematikoen zein baliagarri dauden bestelako baliabideen bidez.

IX.- AURKEZTUTAKO AGIRIAK (markatu «x» batez):

- Nortasun agiri nazionalaren fotokopia, baldin eta kudeaketa-organoari hura lortzeko baimena eman ez bazaio.
- Eskatzailearen identifikazio fiskalerako txartelaren edo IFKaren fotokopia.
- Eskatzailea pertsona juridikoa bada, ahalordea ematen dion notarioaren agiria aurkeztu beharko du haren ordezkariak.
- Sozietate bat edo elkarlaneko kooperatiba bat osatzeko bat egindako edo halako bihurtutako kasuetan, horretarako akordioa bi egunkaritan eta Merkataritza Erregistroaren Aldizkari Ofizialean argitaratzeko iragarkiak; edo, kooperatibak badira, Euskal Herriko Aldizkari Ofizialean argitaratzeko iragarkia. Gainera, akordioa indarrean dagoen legeriari jarraituz dagokion Erregistroko izen-emate agiria
- Salgaien garraio publikorako baimenak, gutxienez urtebeteko antzintasuna dutenak eta agindu honen 3. artikuluan ezarritakoarekin bat datozenak.
- Egin beharreko azterlanetarako aurrekontuak, eta laguntza-gai diren gastuen proformako fakturak edo behin betikoak, eta horien azalpen memoriak.
- Agindu honen 1.2.a) artikuluan jasotako kasuan, sartu behar den pertsona fisikoaren lanbide-gaitasuneko titulua, kontratua eta, baimenak indargabetu, transmititu edo horiei uko egin diela jasotzen duen kasuan kasuko foru aldundiaren ziurtagiria edo eskabidea aurkeztu izanaren frogagiria.
- Agindu honen 1.2.b) artikuluan jasotako kasuan, bazkide berriak hartu dituen garraiolarien kooperatibak kooperatibaren barne-araudia eta bazkide kooperatibisten alta eta baje egiaztatzea aurkeztu beharko du. Era berean, kooperatiban bazkide gisa sartzen den pertsonaren lanbide-gaitasuneko titulua bidali beharko da.
- Agindu honen 1.2.d) artikuluan adierazitako kasuan, garraio-kontratu egonkorra eta, ez kontratatzaileak, ez kontratatuak, azkeneko urtean 9.000 euro baino gehiago ez dutela fakturatu egiaztatzen duten agiriak.
- Hirugarrenei alta emateko edo aldatzeko fitxa, Euskal Herriko Diruzaintza Nagusiari buruzko irailaren 30eko 211/1997 Dekretuaren 20. artikuluan deskribaturikoaren arabera (lehenengo aldia duten edo banku-datuak aldatu nahi dituzten eskatzaileek bakarrik).
- Behar izanez gero, ekonomikoki eta ingurumen aldetik eraginkorra eta jasangarriak diren ibilgailuen kudeaketari buruzko egiaztatzea.

X.- DATU PERTSONALEN BABESA:

Datu Pertsonalak Babesteko abenduaren 13ko 15/1999 Lege Organikoan ezarritakoarekin bat etorrituz, Eusko Jaurlaritzako Garraio Zuzendaritzak ondokoa adierazi nahi dizu: eman dituzun eta eskabide-orrian jasota dauden datuak Garraio Zuzendaritzaren «Garraio konbinatua sustatzeko laguntzak» izeneko fitxategian gordeko direla, Datuak Babesteko Euskal Agentziari jakinarazi ondoren; fitxategiaren xedea laguntzak kudeatzea dela, eta datu horien erabateko segurtasuna bermatzeko behar diren segurtasun-neurriak dituela, eta zaizkiola hirugarrenei emango, legez gaitutako kasuetan izan ezik. Datu pertsonalak babesteko indarrean dagoen legeriari jarraituz, eskubidea izango duzu nahi duzunean datuak eskuratu, zuzendu, ezereztatu edota horien kontra egiteko, 15/1999 Legeak ezarritako eran; horretarako, Etxebizitza, Herri Lan eta Garraio Saileko Garraio Zuzendaritzara jo behar duzu (Donostia kalea, 1; 01010 Vitoria-Gasteiz).

Administrazio Publikoak, aurkeztutako datuak erkatu ahal izango ditu eta behar diren egiaztapenak egin, laguntzak behar bezala esleitze aldera.

Data:

Sinadura: